



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

VIII. Deus an simpliciter, absolute ac proprie sit Autor peccatorum?

**urn:nbn:de:hbz:466:1-35233**

Gratiarum sunt; idem autem spiritus. Monet verò S. Ioannes in 1. c. 4. *Nolite omni spiritui credere; sed probate spiritus, si ex Deo sunt.* Vnde id discernetur, si Deus tam ad mala, quam bona occulte moueat ac necessitet? Nam & diabolus inspirat occulte. Interna spiritus Critiria hic iactare, vanum est.

## X. ANTICHRISTIANISMVS.

CALVINISTÆ cum ZVINGLIANIS volunt, Deum operari nobiscum peccata nostra.

CHRISTVS. At Ego sum *Agnus Dei, qui tollis peccata mundi: Qui peccatum non fecit, nec inuentus est dolus in ore ipsius: Quem oportuit per omnia vobis assimilari; Absque peccato.* Nam, Sap. 14. *Odio sunt Deo impius, & impietas eius.* At verò, Sap. 11. *Nihil odisti eorum, quæ fecisti, Deus, Non ergo peccatum fecit.*

2. Deinde, *Isaeb dilexisti; Esau autem odio habuisti, sc. non Hominem; sed Peccatorem,* ait S. August. li. 1. ad Simplic. q. 1. *Non ergo Deus fecit Esau peccatorem; licet insti fecerit Iacobum.*

## QVÆSTIO VIII.

DEVS an simpliciter, & absolute, ac propriè sit AVTOR PECCATORVM?

## XI. ANTICHRISTIANISMVS.

CALVINISTÆ & ZVINGLIANI affirmant esse Auctore Factorum; non tamen peccatorum: Quod illa ex bona Dei voluntate procedant sine bono, ad declarandam tuam Iustitiam in reprobos; Misericordiam in Prædestinatos. Peccata verò promanent ex hominis mala

voluntate, sine malo, ad libidinem explendam. Vide Luthero-cal. p. 4. q. 10.

CHRISTVS. I. At Deus Peccata non fecit. Quia Gen. 1. *Vidit Deus cuncta, quæ fecerat; & erant valde bona.* Deut. 31. *Deus fidelis, & absque omni iniquitate.* Ro. 3. *Nunquid iniquus est Deus? Absit: alioquin quomodo indicabit hunc mundum?* Sic Ro. 9. 1. Ioan. 3. *Peccatum non est in eo.*

II. DEVS non vult peccatum; minus fieri decreuit. Pf. 5. *Non volens iniquitatem tuas.* Ezech. 18. *Nunquid voluntas mea est mors impij?* 2. Pet. 3. *Deus neminem vult perire.*

III. DEVS non imperat peccata. Eccl. 15. *Nemini mandauit impiè agere.* Quin, Ioan. 13. *Hoc est mandatum meum, vt diligatis inuicem.* Nam, *Qui diligit, legem impleuit. Veni vocare peccatores ad penitentiam.* Et *Nolo mortem peccatoris; magis nolo peccatum.*

IV. DEVS non compellit ad peccandum. Eccl. 15. *Non dicas, per Deum abest, sc. deferendo nos; Quæ enim odit, ne feceris.*

2. *Non dicas, ille me implanauit, incētando intus ad peccandum.*

3. *Non enim necessarij sunt ei homines impij, sc. vt suam in eis puniendis declararet iustitiam.*

V. Peccatum est propriè solius creaturæ; non ergo Creatoris. Osee 13. *Perditio tua ex te Israel; tantummodo in me auxilium tuum.* Proinde, 1. Ioan. 3. *Qui facit peccatum, ex diabolo est.* At verò 1. Ioan. 1. *Deus Lux est; & tenebra, peccati, in eo non sunt.*

VI. DEVS hortatur homines, vt non obdurent corda in peccato. Pf. 94. *Nolite obdurare corda vestra. Quia, Apoc. 3*

Ego

Ego sto ad ostium, & pulso; si quis aperuerit mihi, intrabo ad eum. Ideo, Mat. 11. Venite ad me oēs. Quò min<sup>o</sup> obdurat corda peccatorum Deus effectiue; obdurari tamen sic volentibus permitto, & quam respiciunt, noluntque gratiam, subtraho iuste defertis.

## QVÆSTIO IX.

Num qua Scripturae in Deum referant peccata Mortalium?

## XII. ANTICHRISTIANISMVS.

CALVINISTÆ, & ZVINGLIANI acervant Scripturas ad referenda in Deum peccata hominum.

I. Deus voluit & decrevit peccari. Gen. 45. Non vestro consilio, sed Dei voluntate, huc missus sum. Gen. 50. Nolite timere, num Dei possimus resistere voluntati? Act. 2. Conuenerunt aduersus IESVM; definito consilio, & præscentia Dei traditum; facere, quæ manus tua & consilium tuum decreuerunt fieri. Act. 4.

II. Deus creauit impios, vt suam in puniendis iustitiam declaret. Prou. 16. Omnia propter semetipsum operatus est Dominus; Impium quoque ad diem iudicij. Rom. 9. An non habet potestatem signus facere aliud vas in honorem, aliud in contumeliam? Exo. 5. Idcirco autem posui te, vt ostendam in te fortitudinem meam, & narretur nomen meum in omni terra. Vel vt est Rom. 9. In hoc ipsum excitauit te, vt ostendam in te virtutem meam.

III. Deus impellit homines ad mala, vtens eis vt instrumentis. 1. Reg. 24. Addidit irasci furor Domini contra Israel; commouitque Dauid in eis dicens: Vade, numer a Israel. 2. Reg. 16. Dominus proceperat Semei, vt malediceret Dauid. 3. Reg. 22. Decipies, & praualebis. Vade, & fac ita. 3. Reg. 11. 12. rebellio Ieroboam dicitur à Deo fuisse; itemque & illa Iehus. 4. Reg. 9. 10. Iob. 1. Dominus dedit, Dominus abstulit. Isa. 10. Sennacherib dicitur ferrari in manu Domini, virga furoris. Isa. 13. Ecce ego

suscitabo contra vos Medos. Quia Præcepi sanctificationis meis Medis. Sic & Iere. 51. &c.

IV. DEVS dicitur excæcare & indurare corda, vt non velint, nec Possint agere benè. Exo. 7. 8. 9. Indurauit cor Pharaonis: Deut. 2. Spiritum Sehon. Iosue 11. Domini sententia fuerat, vt induerentur. Il. 19. Miscuit in eis spiritum vertiginis. Ioan. 12. Excæcauit oculos eorum. Rom. 1. Tradidit eos in reprobum sensum. Rom. 9. Cuius vult miseretur; & quem vult, indurat. &c.

V. DEVS dicitur re ipsa operari peccata & mala. 2. Reg. 12. Ego suscitabo super te malum. &c. Abfolonem Luc. 2. Ecce positus est in ruinam, & resurrectionem. Rom. 9. Ecce pono in Sion lapidem offensionis, & petram scandali. Eph. 1. Operatur omnia secundum consilium voluntatis suæ.

CHRISTVS. Vera ista sunt omnia; sed sensu non vero obtenduntur.

AD I. In malis operibus sæpe Actio mala est, bona Passio: passionis opera prædestinauit Deus; non actionis: nam in hisce Deus præuidit voluntates malas hominum agentium ea.

AD II. Deus non creat impros, nisi materialiter, id est, eos creat, quos præuidet futuros impios; vt eorum iniustitiâ vtatur ad iustitiam suam, & potentiam: sic, vt præuisio impietatis præcedat decretum damnationis; non contrâ. Sic vasa in contumeliam ex Deo habent, vt sint vasa; ab materia, vt sint in contumeliam: Oditque ea Deus, non vt suam facturam, sed vt voluntate propria corruptam.

AD III. Modus, quo inclinet Deus ad malum, potest intelligi quadruplex.

1. Impius ac blasphemus; quod impediatur, verè, propriè, per se impellat.
2. Quod Permittit malos agere male: Vt Satanam contra Iob sæuientem.
3. Quod insuper malos deserat exortes gratiæ. Vt Achabum decipi imperauit.